

POSJETA HOLANSKOM KATASTRU

27.04.2017 12:43



U organizaciji Holandskog katastra predstavnici katastarskih i kartografskih agencija jugoistočne Evrope su u periodu od 23. do 29. aprila 2017. godine boravili u Kraljevini Holandiji u posjeti sektoru zemljišne administracije. Naime, Ministarstvo vanjskih poslova Kraljevine Holandije putem projekta MATRA (Maatschappelijke transformatie – društvena transformacija) želi pomoći sektoru zemljišne administracije zemalja jugoistočne Evrope.

Predstavnici katastarskih i kartografskih agencija regiona su se kroz prezentacije predstavnika Holandskog katastra upoznali, prije svega, s ustrojem zemljišnoknjižne i katastarske evidencije u Holandiji, a potom i s ključnim registrima, infrastrukturom prostornih podataka, IT sistemom, finansijskim planiranjem i

finansijskim procesima i uslugama u Holandskom katastru.

Također, održana su predavanja o sistemu procjene vrijednosti nekretnina u Holandiji, te su se uspoređivala trenutna stanja u zemljama regiona s holandskim sistemima u sektoru zemljišne administracije.

Održan je i poseban sastanak s predstavnicima Ministarstva vanjskih poslova Holandije, na kojem su predstavnici regiona detaljnije upoznati s projektom MATRA i njegovom implementacijom.

Predstavnici katastarskih i kartografskih agencija jugoistočne Evrope su izrazili zahvalnost Ministarstvu vanjskih poslova i Vladi Kraljevine Holandije na projektu MATRA i organiziranju posjete. Dogovoreno je da će predstavnici Holandskog katastra posjetiti sve katastarske i kartografske agencije regiona s ciljem detaljnijeg upoznavanja s trenutnim stanjem i prioritetima pomoći svake agencije. Taj će projekt biti prvi korak u uspostavljanju kvalitetne saradnje Holandskog katastra i katastarskih i kartografskih agencija zemalja jugoistočne Evrope.



```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' }));
```